

Xatirchi tumanida tug'ilganman. Ikki akam va singlim bor edi. Maktabga olti yoshimda bordim. Muallimlar hali kichkinasan, kelgusi yil kelasan, desalar rosa yig'laganman, ahvolimi ko'rib mayli, o'qiyversin, deyishgan.

Har bir harf, kitob menga mo'b'hiza kabi tuyulardi. Sherlarni jonu dilim bilan yod olardim. Otam mulla Bobomurodga yod olganlarimni aytib berardim. Otam balli qizim, deb meni rag'batlantirib turardilar.

«Dadajon, faqat alo baholarga o'qisam, meni o'qishga qo'yasizmi?» deb so'rardim.

«Ha, qizim, Toshkentga o'qishga borasan, katta do'xtir bo'lasan,» derdilar.

Biz ilk ertaklarni sandal atrofida ko'sak chuvib, uzo-oq tunlarda dadamdan eshitganmiz. O'sha paytlarda har bir xonadonga dekabr oylarida hatto, qor, yomg'ir ostida ho'l bo'lgan ko'saklarni tashlab ketishardi. Ertalabgacha paxtasini chuvib qo'yishimiz shart edi. Akalarim va men ertak eshitishga qiziqib, ko'sak chuvirdik. "Chor darveshni ham ilk bor dadamdan eshitganmiz. Navoiy va Fuzuliy g'azallarini ham aytib berardilar. Dadam Buxoro madrasasida tahsil ko'rgan, bilimdon kishi edi. Arab imlosida bitilgan ko'p kitoblari bo'lardi. O'sha paytlar u kitoblarning qadriga yetmagan ekanmiz.

O'n to'rt yoshimda otam dunyodan o'tdi. Hammamizga onajonim Fotima Qosimboy qizi va katta akam Murodulla bosh bo'lib qoldilar. Akam juda madaniyatli, o'qimishli kishi edi. Avval o'qituvchi, so'ngra rahbarlik ishlarida ishlagan. Maktabda bizga kimyodan dars bergen.

"Nega suvsiz sahrolarda ham tikan o'saveradi? deya to'satdan savol berib qoldi bir kun muallim akam. Biz jim edik.

«Negaki, uning tomiri juda uzun bo'ladi, suv izlab daryolar qadar ketaveradi. Buning nomini HAYOT UChUN KURASH deydilar. Sizlar ham orzularingiz yo'lida tinimsiz kurashdan erinmanglar,» deya o'zi javob berdi akam.

Biz o'quvchilar sehrlangan kabi jim o'tirardik.

Har gal kurashlarga duch kelsam ham otam, ham akam, ham o'qituvchim bo'lgan akajonimning shu gaplari yodimga tushadi.

Maktabda sherlar yozib, tadbirlarda o'qib berib, Xatirchi tumanidagi "Yangi hayot gazetasida ilk sherlarim chop etilib qolgan edi. Maktabni oltin medal bilan bitirdim. O'sha kunlarda enamdan, yangamdan tez-tez meni akam o'qishga qo'yarmikin, deb so'rardim. Chuniki akajonim o'qituvchilik maoshi bilan katta oilani tebratardi. Kichik akam Toshkentda talaba edi, uni ham o'qitardi. Bizga hech qachon ovozlarini balandlatib gapirmas edilar. Shunday bo'lsa ham salobatlari bosib, cho'chib turardik. Maktabda ham barcha o'quvchilar hurmat qilardi.

"Xosiyat hujjatlarini tayyorlasin, Toshkentga ketamiz", deyan kunlari yuragimga olov tutashdi. Shirin orzularga g'arq bo'lib tong qadar uyqum kelmadi. Mening yuragimni sezgan kabi ko'kda chaqmoqlar chaqdi.

Boshimni yuvdim, yangam sochlaramni maydalab o'rib qo'ydi. Qattiqroq o'rgin, u yodda kim o'rib qo'yadi, dedi onajonim ko'zlarini namlanib. Yangam bisotimizdagagi yagona bir kiyimlik shtapeldan menga yangi kuylak tikib berdi. Akam talabalik paytida ishlatgan katta chamadonga kitoblar va ko'yakni joyladik. Yangam katta yo'lgacha kuzatib chiqib, ortimdan yig'lab qoldi...

Yo'lida yurak yutib so'radi:

«Aka, qaysi o'qishga topshiraman?»

«Toshkent Davlat Pedagogika institutining matematika fakultetiga.

«Adabiyotga emasmi?»

«Istedodi bor odam boshqa kasbda bo'lsa ham yoza oladi. Qishlog'imizda matematika o'qituvchilarini kam.

Akamning so'zi oilamizda hammamiz uchun qonun edi. Chindan avvalo istedod zarur ekan. Talabalik baxtiga muyassar bo'ldim. Institutning "Sovet pedagogi" degan gazetasida sherim bosildi:

Yonib-yonib yashasam deyman,
Uchqun sochib, shula taratsam.
Yonib qo'ngan uchqunlarimdan,
O'zga qalbda gulxan yaratamsa.
Kul bo'lsam ham roziman keyin,
Faqt-faqat qola olsa bas.
Minglab otash, pok yuraklarda
O'zim yoqa olgan ehtiros...

Ikkinchi kursga o'tib, o'qishimni sirtqi bo'limga ko'chirib, qishloqqa qaytdim. O'zim o'qigan 14-maktabda boshlang'ich sinf o'qituvchisi bo'lib ishlay boshlaganimda o'n yetti yoshda edim. Mashqlarimni o'quvchilarimga o'qib berardim. Ular bilan qo'shilib orzularga berilardim. O'sha ilk o'quvchilarim bilan hamon bir-birimizni eslab yuramiz.

Bir kuni hamqishlog'im, filologiya fanlari doktori, professor To'xtamurod Boboev (go'rlari nurga to'lsin) Toshkentdan qishloqqa keldi. Qishloq ahli u kishi bilan faxrlanardi. Akam domlani mehmonga chaqirdi. Daftaramni domлага ko'rsatsam maylimi, deb so'radiam akamdan. U kishi rozi bo'ldi. Ketar chog'larini poylab darvozada turdim. Uyala-uyala salom berib, daftaramni qo'llariga tutqazdim. Domla men bilan so'rashdi, akam kulimsirab turardi. Men o'qib ko'raman, dedi, domla. Xudoyjonim-ay, o'qib ko'rib nima derkinlar deb yuragim dukkilab qolaverdim.. Oradan bir necha kun o'tib kolxzoz idorasidan xabar keldi, domla qo'ng'iroq qildilar, Toshkentga borar ekansiz deb. Uydan ruxsat tegib, uchiblar bordim. Domlani topib oldim. U kishi meni "O'qituvchilar gazetasining muharriri Sh. Maqsudovga olib kirdi. Muharrir daftaramni o'qib, yaxshi, gazetada chiqaramiz, suratga tushib, berib keting, dedilar.

To'xtamurod Boboev Yozuvchilar uyushmasiga olib bordi. Normurod Narzullaev bilan kursdosh ekan. Ular maslahatlashib meni Oydin Hojieva bilan tanishtirdilar. Oydin opa mehr bilan kutib oldi, daftaramni olib qoldi. Tez orada "Guliston", "Sharq yulduzi" jurnallarida, "O'qituvchilar gazetasida, "O'zbekiston madaniyati gazetasida sherlarim bosildi. Dunyolarga sig'may qoldim.

Birinchi to'plamimga ham Oydin Hojieva muharrirlik qildi. Qachon Toshkentga kelsam, eng avvalo Oydin opanikiga kelib, ularning maslahatlarini oladigan bo'ldim.

Yozuvchilar uyushmasi azosi bo'lish uchun kamida ikkita to'plam nashr qilinishi talab etilardi. Samarqandda uyushmaning ko'chma kotibiyati bo'ldi. Men ham ariza topshirdim. Sho'ir, O'zbekiston Qahramoni Erkin Vohidov so'z olib:

«Men suyib gul uzsam emasman jallod,

Men uzmagan gullar qilsinlar faryod,

deyan ikki satr sheri uchun Xosiyat Bobomurodovani uyushma azoligiga qabul qilishlaringizni so'rayman, deb taklif kiritdilar. Bu ishonch va mardlik oldida hayajonlanib qoldim.

This is not registered version of TotalDocConverter
Ustozlarning tuzilgaganlari, taqib qilishga harakat qilganlarim: bag'rikenglik, fidoyilik, maqsad yo'lida qatiy harakat qilish va istedodli yoshlardan yordamingni ayamaslikdir.

* * *

Shu paytgacha "Daryodan qatra, "Qalb titrog'i, "Samarqandga maktublar, "Men uzgan gullar, "Murod qasri, "Jonimning egasi, "Vatan yagonadir, "To'ylar muborak nomli sheri to'plamlarim, "Bola ko'targan ayol nomli drama, "Mehr, "Hayqiriq dostonlarim va "Qizilqum malikalari, "Samarqand sanamlari, "Qirq yigit qissasi, "Sahrodagi jannah nomli publisistik kitoblarim nashrdan chiqqdi. Ularning umumiy adadi yetmish ming.

* * *

Adabiyotsiz hayot b'T“ ertaklari yo'q bolalik, orzulari yo'q yoshlik b'T“ umidlari so'ngan keksalikdir. Qo'shiqlari yo'q zulumotdir. O'tmishi, buguni, kelajagi yo'q tarixdir. Yovvoyi hayotdir. Inson kimligini anglamog'i uchun albatta ADABIYOT KERAK!

* * *

Bozor adabiyoti adabiyot emas. Bugungi eng go'zal quvonchlarimizni, iztiroblarimizni nafis shakllarda kelajakka yetkazib beradigan so'z kerak deb o'layman. Qolganlari o'z-o'zidan yo'qolsa kerak. Inson tanasini mahv etadigan, vahimaga to'la bayonlar emas, inson ruhiga kuch bag'ishlaydigan asarlar kerak.

* * *

Ikki o'g'il, ikki qiz berdi yaratgan Egam. Keragini oldi. Men suygan gulni bag'rimdan oldi. Bolalarimning hammasi adabiyotni tushunishadi, ammo turli kasb egalari. Nabiralarim mashq qilib turishadi. Ammo hali bu haqda gapirishga erta.

* * *

Butun umrimni parvona kabi SO'Zga urib, SO'Z izlab o'tkazibman. Quvonchlarimdan, g'amlarimdan so'z teribman. Bilmadim, men so'zni bo'ldimmi, yo so'z meniki bo'ldimi? Xato qildimmi, to'g'ri yo'l tanladimmi...